

曝書亭集

二

秀水 朱彝尊 錫鬯

詞二

江湖載酒集 中

木蘭花慢 上元

今年風月好正雪霽鳳城時把魚鑰都開鈿車溢巷火樹交枝參差開蛾歌後聽笛家齊和落梅詞翠幌低懸累歎紅樓不閉葳蕤蛾名簾卷再休垂衆裏被人窺乍含羞一晌眼波又擲鬟影相隨腰肢風前轉側却憑有回睇似沉思料是金釵溜也不知兜上鞦兒

習馬索 送崔二再游黔中 兼訊李斯年

玉駿嘶須把青絲習他住燕歌易酒莫辭今夕離亭聚浮雲一望綠波千里滿目銷魂江淹賦計落花時節黃陵楚竹湘煙響柔櫓行旅羅施天末木瓜金筑且伴參軍作蠻語亂水孤舟逢人少惟有冷後昏雨南尋李白問訊何如爲報頻年相思苦道故人別來詩卷總是人間斷腸句

沁園春 送葉元禮之真州

游子何之迤邐雷塘二十四橋正梅花如雪煙籠寒水垂楊拂地雨漲春條江左文章竹西歌吹麗句爭傳勝六朝寒簾處報玉驄到也紅袖齊招當年瓜步停橈有桃葉桃根送晚潮悵荆雲隔浦難遯夢雨寒樓按曲曾聽吹簫舊事堪尋長牋得寄便欲從君訪翠翹沉吟久怕重來不見見又魂消

宣清 送米崇來之官建昌

別酒初醒曉月猶懸天街鼓畫鼓滿汀洲柳暉白蘋灑船

曉發楚零雨昌邑城邊宮亭湖畔南州樂土且攜將法曹詩風流香令同賦案宋以司李改補記九疊芙蓉五峰瀑布當年曾望處想聽事花陰疎簾乍卷向畫中看小米雲山無數戴鳴琴臨流喚渡任優閒寄情毫素長安布衣判留滯經春盼仙鳬一雙飛度

賣花聲

背郭鵲山村客舍雲根落花時節正銷魂又是東風吹雨過燈火黃昏獨自引清樽鄉思誰論聲聲滴滴夜深聞夢到江南煙水闊小艇柴門

菩薩蠻

夕陰秋遠樓邊笛笛邊樓遠秋陰夕磯斷綠楊垂垂楊綠斷磯霧深疑細雨雨細疑深霧門掩乍黃昏昏黃乍掩門

青玉案 臨瀟道上

清秋滿目臨瀟水一半是牛山淚此地從來多古意王侯無數殘碑破冢禾黍西風裏青州從事須沉醉稷下雄談且休矣回首吳關二千里分明記得先生彈鋏也說歸來是轉應曲安丘客舍對雨

秋雨秋雨一半回風吹去晚涼依舊庭隅此夜愁人睡無無睡無睡紅蠟也飄秋淚

柳梢青 馬上望鄉湖山

遵海南耶我行山路朝憊非耶遙望秦臺東觀出日即此山耶崖光一綫雲耶青未了松耶柏耶獨鳥來時連峰斷處雙鷺人耶

點絳脣 濟南九日兒子南還賦此

開偏黃花年年九日他鄉度
蘭風長雨那有登高處
西北南東祇送歸人去
呼兒語暫同綠醕誦我悲秋句

六么令 壽劉宣人編修用劉氏事

張南周北 繪正金華歸沐 孝婢
青慕然偏 詩膽如天誰得

似又五字長城堪羨 長卿海內航航 明雅中雅雅 舞索演
美升堂彥 積公非公是才華兄弟齊擅 敬微 試擬天半朱

霞 許雲中白鶴 敬 未比文心遠 自有寒山叢桂在 安那間

仙源深淺 遠之 乘月登樓 現 閉關領酒 伶 初度書皇覽 勗荆

州相倚依然舊日王粲 表

霜天曉角 晚次東阿

鞭影匆匆又銅城驛東過
雨碧羅天淨纔八月響初鴻
微風何寺鐘夕曛嵐翠重
十里魚山斷處留一抹叢林紅

塞孤 高唐道中晚行作

五更風一翦蘆簾啓挂壁燈
飄紅穗仰視昂車星瑣碎穿曲

巷嘶輕騎松門掩木魚聲草火濕
秋螢尾愛消消響橋下流水

莫辨斷塔稜亂結啼鴉隊
月影潛消衣袂幾處炊煙茅

店起葭露白籬花翠日已上
最高樓霞又散無邊綺未輸他

斗帳人睡

瑤花慢 寄酬陸我謀表叔

由拳城北童穉情親記數陪
常展兵戈轉眼三十霜一水兼

葭人隔沙隄盡改算往事都成
陳迹剩白雞夢後荒墩朱雀

橋邊斜日 寸心忽憶離居
荷千里題書似親顏色齊紈皎

潔詩句好髮髭玉溪風格一彈
三歎勝鼓却朱絃瑤瑟但相

逢蒼雁賴鱗報我春鵬秋蟬

采桑子 寄贈史雲臣

梅谿樂府真同調把袂偏遲
曹寄相思戴酒江湖杜牧之
縑塵不到橫塘路穩臥山茨
醉詠新詞春雨梨花燕子時

真珠簾 寄陸郡守兄孝山

離居消息沉雙鯉料因是地
闊天長難寄見說訟庭閒但逍
遙文史小小谿亭移岸北搖
白羽風連秋水猶記聽子規落

月夜闌同醉 嶺表十四年來
伴參軍蠻語也應憔悴不見

壁書增老穎川循吏且飲修
仁江上水莫便作匆匆歸計差

喜有西牕翦燭故園兄弟 謂次友 融谷也

清平樂 送沈融谷再游南嶺

京華嬾住又向雄州去
匹馬遙尋桃葉渡穩送輕帆柔櫓
朔雲南雪冬春鴈書欲寄
無因共惜行人路遠不知身是行人

瑤臺聚八仙 題錢舍人望廬集句詩

苦憶丁香花發後潞水歸
計初諧秋帆一葉放溜直渡清淮
蟹舍尊鄉能幾日又誰知
樂事全乖暗塵埋紉兒裘慢燕也

分釵 堪憐此日騎省寫
哀思不住總爲情差人已驂鸞尚

教營真營齋青天碧海夜
算明月何從更墮懷燈前淚滴

秋風長簾暮雨空階 皮日休詩五更看月是情差元稹遺悲懷 詩今日傳錢過十萬與君管真復管

點絳脣 九日同顧寧人陸翼王登孫氏石臺賦呈退翁少宰

花徑登臺舊時此地重陽
識天涯相見最喜翁猶健 望極

疎林瑟瑟金風翦憑闌
徧夕陽一片送盡南飛雁

百字令 偶憶

橫街南巷記鈿車小小翠簾
徐揭綠酒分曹人散後心事低

徊潛說蓮子湖頭枇杷花下館就同心結明珠未斛朔風千里催別 同是淪落天涯青青柳色爭忍先攀折紅浪香溫圍夜王墮我懷中明月暮雨空歸秋河不動蚪箭丁丁咽十年一夢鬢絲今已如雪

訴衷情

記得鈎簾深夜起小庭中人不語豆葉響秋蟲月底粉光融弓弓鎖連雙瓣紅滿衣風

蓮陂塘

題其年填詞圖

擅詞場飛揚跋扈前身可是青兕風煙一壑家陽羨最好竹山鄉里攜硯几坐罨畫溪陰裊裊珠藤翠人生快意但紫筍烹泉銀箏侑酒此外總閒事 空中語想出空中蛛麗圖來菱角雙髻樂章琴趣三千調作者古今能幾團扇底也直得樽前記曲呼娘子旗亭藥市聽江北江南歌塵到處柳下井華水

角招

梨帚湖春游作

冷波濯城西路曉來燕子齊掠龍舟今寂寞臥柳斷橋總被藤縛山雲漠漠漸作弄春陰如幄小雨濃煙披薄知他花外誰家尚依然亭閣 佳約好春過却輕寒正怯肯把紗牕拓海棠開又落碧草溟濛東風還作麴塵猶昨偏濕了秋千紅索料是羞登牆角試吹動賣錫簫簫應窺著

十拍子

上巳逢錢孫勳舍人賦

曉陌重逢嘶騎秋帆記送歸船纔到燕臺寒食下恰值蘭亭楔飲年和風淡汀天 燕羽齊侵小院柳絲乍擘晴絲試傍玉河堤畔去定有紅裙水上前須攜酒十千

玉樓春

後席

蟲蟲本愛穿花徑改席迴廊翻道冷歌時小扇拍猶嫌醉裏香肩憑未肯 情知並坐無由並且喜眉梢遠相映待他月上燭斜時壓住影兒應不省

鵲橋仙

席上贈伎張伴月

吳歌白紵吳衫白紵只愛吳中梳裏十年四度到京華纔一霎樽前同坐 秋娘聲價秦娘聲價風韻當年須過迢迢明月碧羅天誰伴取張星一箇

又

橫汾清濟十年舊事祇恨玉鞭歸暮碧桃先自笑春風全不待社公新雨 章臺柳漢南移種種憐取柔條最苦游絲無力強天斜萬一把飛花黏住

步蟾宮

席上同沈六贈伎

越羅垂地湘裙匝淺露著鞵幫紅俠尋常已是不分明況一點紗籠殘蠟 玲瓏骰子拋時霎遙勸酒觥船纔歷月高先自下階行又何處爲雲巫峽

前題

平湖沈岸登重九

雪花未淨侵階滑奈小小鴉頭羅幃惱人三五月朦朧數不定風鬟十八 歌闌纔把觥籌撤聽去也一聲愁煞樽前相對且無言又那得相思書札

河傳

題譚天水小像即送其入閩

嶺外傾蓋日招尋一別愁深至今木棉花底榕樹陰獨吟江潭憔悴心 忽漫相逢燕市酒嗟未久萬里仍分手度吳關到閩山艱難知他別後顏

南鄉子

拜客庭陰眼波容易逗人心縱得相逢無一語臨去鬢滑落花黏不住

一翦梅 題汪季角舍人錦瑟詞

錦瑟新詞鳳閣成贏得才名不減詩名風流異代許誰并是柳耆卿是史邦卿 閒閒閒愁讀罷生吾亦多情那得無情問何人解按銀箏說與君聽先與吾聽

水調歌頭 得曹秋岳侍郎札和寄

朝鴈度紅峴秋樹冷金臺故人憐我久滯隔歲一書來楓橋山亭應滿蘆蕪湖田無恙別業古城隈范蠡祠東月恰照小門開 八行發三過讀轉徘徊栖栖南北何事瘦馬倦黃埃行處藤屨竹傘坐處尊羹羹麪儘可共銜杯只此辨歸計歲暮草堂回

又 送諸駿男赴楚撫幕

雲幕近開府鄂渚舊名邦游人此去萬里風動碧油幢上馬能橫大壑下馬能書露布筆陣鼎應扛記室古來有意氣爾無雙 瀟瀟雨聽木葉泝空江平沙歷歷斷鴈楚火照船牕赤壁山前故壘鸚鵡洲邊秋色千古怒濤撞不淺南樓興誰共倒深缸

又 送鍾玉樵宰項城

吾最愛姜史君亦厭辛劉經過燕市多暇歌酒互相酬自向金門索米君亦牽絲作吏臨別始添愁檀板按新曲此事尚能不 雷封好項子國古陳留江南風景宛似煙月北揚州也有疎簾清簾也許樽前家宴隨意發清謳三十六鰲鯉莫

忘寄輕郵

百字令 自題畫像

菰蘆深處歎斯人枯槁豈非窮士賸有虛名身後策小技文章而已四十無聞一丘欲臥漂泊今如此田園何在白頭亂髮垂耳 空自南走羊城西窮雁塞更東浮潯水一刺懷中磨滅盡回首風塵燕市草屨撈蝦短衣射虎足了平生事滔滔天下不知知已誰是

又 和韻送曹子顧學士還南溪

十年相別又相逢攜手旗亭同入試話長安歌酒伴客久鄉音翻認正好歸帆溪南如畫紅葉新霜濕衡門深閉三冬且學龍蟄 猶剩百八株桑一千頭橘酒債還堪給萬里山川歸腹笥不用巾箱收拾三影新詞八又麗句筆鴈參差立行波題就白藤閒織書笈

同作

平湖沈岸登

征帆江北又江南一曲黃灣深入鴈蒿紅橋深柳巷聽唱新詞猶認瓜步寒潮蒜山晚渡幾點霜鷗溼重陽過了拂雲石燕初蟄 試問姹女鹽頭酒錢細數誰把金魚給別後南溪溪畔路賦罷蠻牋爭拾老圃觀梅輕舟載鶴勝向花甌立十洲五岳畫圖看滿瓊笈

風中柳 戲題竹垞壁

有竹千竿寧使食時無肉也不須更移珍木北垞也竹南垞也竹護吾廬幾叢寒玉 晚來月上對影描他橫幅賦新詞竹山竹屋那箇一束筍鞭三伏竹夫人醉鄉同宿 名竹山蘇樓詞名也

長相思 紅橋尋歡者述西

石橋西板橋西遙指平山日未西舟來蓮葉西 人東西水東西十里歌聲起竹西西施更在西

蝶戀花 揚州早春同沈彥九賦

十里雷塘歌吹遠柳巷人家蘆水鵝黃淺游子春衣都未換
鈿車早已東城偏 妝冷罷遮蟬雀扇最恨微風不放珠簾
卷斜露翠蛾剛半面心飛玉燕釵頭顫

同作

沈彥登

是處梅花香近遠點點苔枝漏泄春光淺歎息年華看又
換踏歌聲按揚州偏 睡起雲屏山六扇羅帳無一人一任
東風卷細馬馱來嬌滿面凭闌小語聽猶顫

思佳客

杜牧秋霜添鬢多樽前無奈紫雲何春風澹澹三城夜暮雨
瀟瀟一曲歌 眉解語眼橫波更看柔弱舞雙鞦黃姑悔不
憐須女枉自含情盼隔河

東風齊著力 延平道中

百雉城開雙龍津合鐵鎖浮梁千家斷續三面水雲鄉繫纜
沙邊且住纖絳軟五月猶涼休催去冷風閣上置酒何妨
巨石擁中央舟一葉過時險甚瞿塘竹雞啼罷飛雨暗叢篁
處處水輪山碓炊煙動菰米偏香灘聲急斷磯青樹又挂殘
陽

江城子 飲道山亭

城隅一徑躡層冥坐孤亭啓牖櫺螺女江昏風急鯉魚腥懊
惱鷓鴣啼不住煙雨外荔支青 蒼苔乍洗讀遺銘問山靈

幾人經喚取深杯石上挹湘醺最好紅山橋外月先爲我出
送行

南鄉子

游鼓山題靈源洞壁相傳五代時有高僧喝
水移他處遂圓

披霧曉同游竹杖籃輿各自由翠磴紅亭三十里淹留行到
松門路轉幽 僧飯雨初收風末鐘聲樹杪樓多事山僧曾
喝水橋頭只少飛泉一道流

點絳脣 歸次浦城寄酬高雲客

幾日銜杯回眸咫尺榕城阻齊紆垂露不寫離情苦 南浦
橋邊總是銷魂樹山無數澀灘柔櫓惆悵歸時路

尉遲杯

七夕懷靜庵

吳綾白偏愛縫雙袖鴉翎黑多應北里新妝怕墮尋常標格
微風簾額看露葉中庭盡秋色記鱗鱗月底疎雲曾照勾欄
吹笛 一自細馬馱歸剝羅帕當時別淚偷拭最恨初鴻銜
蘆塞上不遞愁人消息枉飛度河橋山驛想柳外高樓長如
昔更何年並坐穿鍼六度淒涼今夕

西谿子

那日樽前同坐剛值上元燈火引杯深賭葉子拋骰子醉裏
交呼小字舊事暗沉吟到而今

一翦梅

子夜琴心調乍翻放誕文君多病文園柔腸繫處酒杯濃散
子巡拋射覆更番 紅蠟連燒花燼繁斜對雙蛾暗蹴雙鴛
不應草草放他歸去便如期來便空言

百字令

元夕和陳山農韻

落梅歌斷笑六街春靜者番燈夕猶有蟬紗蘭燭賦山水米

家真蹟樂府偷聲故人相見鳳紙題還濕深杯莫放迴腸更
話疇昔 年少金鴈箏邊銅駝巷口酒力輕寒敵醉倚紅妝
呼小字忘了天涯爲客折柳章臺沉珠漢曲嬾聞間消息三
分明月二分偏照頭白

擊梧桐 送曹道扶歸里

風雪寒如許偏灑就宣武門西歸路況是殘年也問何事幾
日留君不住離歌斷續離亭長短目送離人此去瘦馬河橋
外想除夕守歲題詩何處 江上梅花津頭柳色一葉扁舟
淮浦絕勝陶彭澤腰未折早返柴桑衡宇惆悵孤蹤留滯竹
垞歸夢有小園獨樹待明年南湖秋月與子同賦

秦樓月

風蕭蕭夕陽古岸盧溝橋盧溝橋沙迴小市柳折長條 誰
家紅袖揚輕綃暮塵十里車遥遥車遥遥銀燈翠被何處今
宵

百字令 酬陳緯雲

過江人物數君家伯氏辭華無敵比歲才名驚小謝聽說尤
工詩律三陸三張雙丁兩到聲動長安陌新詞贈我居然黃
九秦七 可歎岐路西東浮雲零雨別思同蕭瑟此日高陽
逢舊侶一半酒人非昔碣石離鴻香山落葉風雪重游歷池
塘夢裏試尋尋也消息

覬繡毬 歲除同兒子對雪懷鄉里作

寒雀斂層檐正萬里同雲催暮去年曾記梅花溪上童孫喧
笑紛紛團就玉獅鹽虎 回首亂山如許對孤燭異鄉同住
遙憐千里老妻無恙竹垞門掩多應壓偏小園高樹

解佩令 自題詞集

十年磨劒五陵結客把平生涕淚都飄盡老去填詞一半是
空中傳恨幾曾圍燕釵蟬鬢 不師秦七不師黃九倚新聲
玉田差近落拓江湖且分付歌筵紅粉料封侯白頭無分

摸魚子 送魏禹平還魏塘

一身藏萬人海裏姓名慵注官簿秋深門巷堪羅雀只共酒
徒爲伍君又去認白疊寒山似綫鄉關路冰霜最苦盼到得
江南平波斷岸猶及冷楓舞 竹林伴依舊攀嵇交呂笛家
琴調簫譜燕臺縱有尋春約忍負鏡邊眉嬾君且住算我便
歸遲定不過關暑高荷大芋待縛个茅亭能來夜話同聽紙
牕雨

金縷曲 寄譚七郡丞兄在榆林

一別三重九數年來燕臺寂寞酒人非舊遙望秦川邊沙遠
客淚徒盈襟袖想塞下秋來風候白草黃榆天無際問圖書
何處消閒畫泉一勺秫千畝 同心最苦離居久藉雲鴻題
書萬里往來亭埃悔不短衣從兄去獵馬千羣開口便作使
秦娥行酒酒後狂呼雙耳熱更彎弧射碎棘門柳窮塞主可
能否

同賦

沈岸登

朔鴈驚飛起憶前年酒壚擊筑和歌燕市一自盧溝橋頭
別滿眼斜陽流水悵去路雲山無際強欲尋君惟有夢奈
夢魂不度三千里君憶我定相似 虛擲蹤跡天涯寄但
逢迎五陵裘馬有誰知已翻羨一官乘邊障苦憂賓朋文
史況盛酒耶簡堪醉燕領書生還未老拚從軍共作封侯

計帶圍減且休矣

又寄李武曾在貴竹

誰共金臺醉記年時酒徒跋扈盡呼朱李上已浮杯恩惠別
雲散風流天際報一一平安書寄鄴下雙丁齊入座有多才
繡虎稱前輩交唱和令公喜離羣最易添憔悴況而今相
如賦賤鷓鴣都敝老去沉吟無長策仰屋著書而已但疑義
須尋吾子秋錦堂前凋錦樹問灌園何日歸長水倚閭望幾
年矣

又答朱十

李良年

尚憶青門醉正鞦韆翠裙入望帝城桃李君向揚州吾湘
漢身與沙鷗無際感此日瓊枝先寄別後眠餐應似昔奈
浮雲聚散傷同輩緘未拆雜悲喜頻年淚滴芳蘭悴況
天涯歲華易改錦韉俱敝退谷僧坊留題處舊事淒涼何
已若天意定憐才子潘未查容無恙在伴竹垞老去同煙
水楚江柳又青矣

又同周鄧山陳庸情飲嚴太僕齋中醉賦

滿目悲秋賦悵征塗衣裘盡典酒錢難數賴有城西嚴太僕
肯與荆高爲伍拚痛飲忘形爾汝客罷長齋如泥慣更孟公
投轄多豪舉觴百罰氣如虎天涯幾得良宵聚憶連年東
西吳越後先齊魯主便不留賓也宿何況留賓不去任醉尉
頻訶歸路我因欲眠公莫笑聽街頭遮莫鼓琴鼓還坐起爲
公舞

又送陳參議棋公之官廣西

鴈塞分襟驟七年來關河迢遞合并難偶草草殘春相逢乍

通潞亭邊攜手恨不見李生良久也天生待踐深秋雞黍約奈
忽忽畫鷁津門口萬里別一杯酒丹砂此去鄰勾漏沂蠻
江人家兩岸綠榕紅豆才子從軍錄來事況是黃金懸肘擁
千騎弓刀前後聽取連營長短笛譜武溪一曲南征又嶺外
嶺柳州柳

百字令 索曹大岳畫竹垞圖

杜陵老矣共丹青曹霸白頭漂泊花柳春殘都未見底事燕
南樓託略約長堤嘔啞柔櫓只憶江柳樂吾廬何處斜陽芳
草村落況有蔗芋閒田竹梧舊徑客至堪杯酌試畫三楹
茅屋矮隨意圖書簾幙峽石東西橫山近遠密樹遮雲壑明
年歸去小樓添向牆角

渡江雲 送蔣京少入楚省觀

菱菱街鼓歇驚沙紛卷白日淡幽州望疎林郭外翦酸風
聲栗響籬頭三杯兩琖旗亭酒怎把人留看一霎鞭絲青帽
驅馬度盧溝離愁萬重煙樹千疊雲山縱相思夢有尋不
到清江古渡黃鶴空樓趨庭正值椒花譙醉春盤儘許風流
能記憶買田陽羨人不

應天長 鄭雲直招飲虎丘酒肆

三山曉徑七塔夜燈曾同閨嶠游屐零雨斷蓬別後迢迢夢
魂隔西丘寺一片石愛綠樹濃陰鼓側風林杪未斂斜陽猶
照蟬翼六載一相逢杯酒纔持那知是離席不見赤闌橋
下催人有蘭鷁荆高侶燕市北肯忘了江鄉秋色紅蓮飯玉
破鱸魚須待歸客

點絳脣

小院疎簾酒邊最憶年時事箇人纖麗合喚輕輕字隋葉
飄花再見渾無計蘭燈翳那回微醉悔不香肩倚向子諱有席上贈輕輕詞

河滿子

羊侃姬名靜婉謝娘婢喚芳姿最憶紅牕來去慣塗妝縮髻
多時簾底頻搖扇子掌中曾拓鞦兒萬里猶傳消息三年
偶誤歸期碧玉無端偷嫁了空餘方寸相思輸與廬江小吏
黃蜂粉蝶雄雌

天仙子

鴉翅雙盤垂秀領翠羅衣薄風難定全身都被月華窺天上
影波底映却似曉妝前後鏡

十六字令

繁一樹丁香花壓闌心憐惜不向鬢邊看

祝英臺近

題汪舍人少壯三野園

楮先生劉白墮此外也無个減字偷聲雙調儘教和囑他小
小蟲蟲輕輕燕燕都不許兩眉春鎖且深坐假若閒却芳
年行樂甚時可暗悔從前所好未曾果料難老眼鈔書迴腸
度曲但餘醞不妨留我

臨江仙

和成客若見寄秋夜詞

倦柳愁荷陵十里一絲鴈絡晴空酸雞漸逼小亭中魚雲難
掩月豆葉易吟風才子年來相憶數經秋離思安窮新詞
題就蜀牋紅雪兒催未付先寄玉河東

又寄酬李十九

問訊謫仙今好在年來酒債都消園花閒付雙童澆題詩過
水寺種桃隔溪橋白髮自憐歸未得生涯老漸蕭條尺書

虛負故人招秋風茅屋破梧葉幾回飄

又

藥甲齊開更斂柳絲欲起還沉一春閒望費愁吟酒旗風著
力花事雨驚心巷窄獨兒不吠樓高燕子難尋熏爐小篆
疊重衾綠陰猶未滿庭院已深深

又人日訪汪茗文戶部往堯峰山莊不值

苦憶茗華書屋別來幾度相招衝泥江郭不辭遙堯峰春最
好人日酒先挑想見青鞵踏處梅花開偏徧條東風溪上
雪初消落帆光福市吹笛虎山橋

西地錦

送錢爾載之河中

到此轉愁君去且踟躕岐路遙山一抹初鴻幾點又疎疎秋
雨鸛雀樓頭凝佇定懷人題句他鄉歲月故園燈火話兩
家兒女

更漏子

送陳山農入閩

鹿谿南閩嶠路記我舊曾游處灘黯淡石巘屹兩邊都是山
渡螺江尋小艇前芳宜登絕頂長慶寺足栖遲須留噉荔
支

醉花間

送王古直還西湖

愁君去送君去君去西湖住小閣鏡中懸是月初生處羅
裙芳草渡一一鳴柔櫓扶上七香車長定門前遇

浣溪沙

七澤三湘道路重纖腰來自楚王宮玉簪無力鬢雲鬆妙
舞定過張靜婉小名未記陸龜蒙惱人臨別始相逢

晴香

初夏飲何侍御裝音古藤書屋

石闌一半讓酒人占取斜陽深院密葉層層掩幾日輕風勝刀
翦靜對芳陰百尺宛似泊南湖南岸只少却柔櫓嘔啞遙指
點小橋畔相見意款款任一詠一觴少長交勸繁英落徧
涼月紛紛夜零亂多少長安旅話算鄉里同游應罕催漏鼓
浮鑿落醉還不管

洞仙歌 送陳康侯入楚

雪晴池館悵離筵難又輸與游人開煙九憶橫汾策馬通潞
犁舟都不似此度忽忽分手遙山何限隔行盡窮沙盼到
青青武昌柳後夜苦懷人一紙相思報碣石輕鴻能否算者
舊襄陽未應稀知漢上題襟共誰樽酒

減蘭 贈君叟

燕人目正月十九日爲
煙九游入爭往白雲觀

韓胃逝矣短布單衣逢弟子返照僧樓白髮蕭蕭話舊遊
琴箋細譜流水高山多樂府他日江關我亦填詞付汝彈

金縷曲 憶靜憐

塞土臙脂紫女牆深榆飄似莢柳多於薺身作紅襟雙語燕
飛入碧牕紗裏看挂鏡親盤鴉髻象篋鰕鬚都不卷惹犀梳
粉拂餘香膩勻面了掃眉未玉娥遺曲康陵製換新聲箏
調銀甲笙調銀字蝴蝶團圓花底住分薄西風驚起夢不到
綠陰青子白鴈橫天來又去盼蕭娘一紙書難寄五湖約十
年事

曝書亭集卷第二十五

曝書亭集卷第二十六

秀水 朱彝尊 錫鬯

詞三

江湖載酒集下

百字令 彭城經漢高祖廟作

歌風亭長刺三楹遺廟斷垣摧棟芒碭雲霾銷已盡惟見馬
頭山擁逐鹿人亡斬蛇溝冷一片閒丘隴綵幡斜挂綠楊絲
裏飄動贏得割據羣雄六朝五季各自誇龍種魂魄千秋
還此地人羣野雞誰共社古粉榆村遙巫覡執管神迎送行
人憑弔看來終勝劉仲

水龍吟 調張子房祠

當年博浪金椎惜乎不中秦皇帝咸陽大索下邳亡命全身
非易縱漢當興使韓成在肯臣劉李算論功三傑封留萬戶
都未是平生生意遺廟彭城舊里有蒼苔斷碑橫地千盤驛
路滿山楓葉一灣河水滄海人歸圮橋石杳古牆空閉悵蕭
蕭白髮經過擊涕向斜陽裏

江南好

江南好舊事試重論平底畫船桃葉渡小樓疎雨杏花村何
處不消魂

同作

無錫嚴繩孫諫友

江南好最好石頭城細雨溼回磯燕小暖風扶上紙鷁輕
遮莫近清明

金縷曲 初夏

誰在紗牕語是梁間雙燕多愁惜春歸去早有田田青荷葉

占斷板橋西路聽半部新添蛙鼓小白蕙紅都不見但惜惜
門巷吹香絮綠陰重已如許 花源豈是重來誤尚依然倚
杏雕闌笑桃朱戶隔院秋千看盡拆過了幾番疎雨知永日
銀錢何處午夢初回人定倦料無心肯到閒庭宇空搔首獨
延佇

邁陂塘 谷沈融谷即送其游皖口

記分襟秋河射角相逢今已春序草芽香徑看猶淺早有落
梅無數桃葉渡指鴈鷺橋西舊是中山墅留君且住喚紅友
傳杯青後翦燭伴我夜深語 勞生事白髮蕭閒未許軟塵
翻又催去鍾山照眼青青在雲窗笑人何苦攜手步那得共
春潮皖口揚舲度沉吟歸路算二頃湖田一絲釣艇肯負綠
蓑雨

又用前韻題查韜荒詞集

對層檐沉沉春酌驚心屢換時序浮萍蹤跡如相避飛夢天
涯難數芳草渡尋不到斷橋曲港龍山墅白門此住望塔火
林梢江樓鴈底莫共小牕語 新詞好沈鮑同時矜許朗吟
且漫攜去別裁懊惱迴腸曲轉覺良工心苦邀笛步試喚取
雙鬟綽板樽前度迢迢紫路計秋水蘊香歸期未晚同聽豆
花雨

又題顧茂倫雪灘濯足圖圖為松陵女子沈開關所繪

更無須調鉛吮粉神針繡出天巧江村自是科頭慣不用雨
中風帽木葉少向獨樹疎陰添个漁童小三高絕倒笑淺蒹
莎邊聞鷗磯畔千載有同調 蓬門在深徑客來頻掃東籬
頗厭枯槁香山詩卷牛腰重六十平頭未老貧也好那似我

黃塵六月長安道秋風舉櫂問斜日鱸香卜鄰定許歸計已
先料

又自桃葉渡泛舟暮抵浦口雨宿村店漫賦

憶歸時白門楊柳吹花糝滿香徑重來化作青萍子宛似客
游無定呼小艇擬有分桃根桃葉行相並雲廊藻井枉費却
臨流紅闌千百不見玉人凭 西郊路十里柔波如鏡石城
高下殘景江豚多事頻吹浪只怕落潮風猛斜又整信一葉
舟輕幾幅蒲帆送人家煙暝傍急雨長蘆昏鐘古岸漁火隔
牕冷

蝶戀花 送惠硯溪歸吳

人柳初眠嘶別騎婪尾杯乾送客還吳市春水一灣雙塔寺
中庭盡種相思子 俊侶銅駝游倦矣我亦扁舟早晚成歸
計試喚紅兒來樹底翻香小令樽前記

又同譚天白再過柯翰周園亭

壓水藤牆敲石塢猶記霜浮短櫂經過處獨木小橋秋葉舞
倦紅不埽門前路 勝侶重攜穿竹語添結茅亭心許沙鷗
住日暝澄煙吹不去夜涼滴作高梧露

柳梢青 題戴上舍惟意所擬圖

一道清谿露花開到紅板橋西不借鞦韆無絃琴矮沒骨山
低 石屏詩句堪題休閒了秋容滿堤坐裏吟邊三升畫檻
兩個黃鸝

摸魚子 題李武曾灌園圖

護芭籬幾層茅屋爲園期占三畝蘆簾紙閣安排易更要藥
壚茶臼溪雨後須記取上番移竹春栽柳扁舟計就算夜韭

辰瓜白鹽赤米一飯儘餬口 高堂健笑御潘輿永晝好花
隨意簪首疏泉帖石閒行處種樹棘童都有悵別久對圖畫
沉吟轉覺難分手客來尋否判踏葉門邊繫船渚尾喚我作
齊鄰吏

又題徐電發楓江漁父圖

怪煙波釣徒鄉里畧師如許青鬢浮家尚載閒書卷那得身
名全隱看一瞬把文賦詩篇樂府都經進披圖暗晒怕白水
撈鰕紅闌鬪鴨與爾便無分扁舟在蓑笠綸竿未損攪人
此日方寸清江幾曲楓林下多少鱸魚秋筍歸夢準挂十幅
蒲帆第四橋能認餅中宿醞算八測塘邊三高祠下讓我醉
眠穩

同賦

宜興陳維崧其年

問何人生綃滑笏皺來寂歷如許孤蓬幾扇西風底滴盡
五湖疎雨垂弱縷儘水蔓江蕙信意牽他住寄聲魴鱖總
來固欣然去還可喜知我是鷗鷺行藏事不是如今纔
悟浮名休再相誤人間多少金貂客輸却綠蓑漁父誰喚
渡早萬木酣霜紅到消魂處林林楓樹又遙襯蘆花搖晴
織暝閣了半汀絮

又寄龔衛國

玉玲瓏閣前松石經過朱夏曾撫主人直待秋期近金粟滿
庭香雨新樂府早和徧濱洲笛譜簾房句謂青士分處也竹垞小住
笑我若歸時留君爛醉十日不教去西堂冷孔翠應凋錦
羽鹿麕高下騰距紅泥亭子方池外深徑共誰延佇歲既暮
想晚口鱖魚又好霑犀箸粉雲風絮定吹到山樓叢梅凍雀

把醖舊吟處

又贈吳天章

愛蓮洋無多行卷才華直慙明秀紛紛日下柴車至逸藻吳
郎希有李十九慣把汝詩篇三載藏懷袖今秋邂逅便訪我
城東涼波殘月曉度玉河柳交期合不在時時握手傾心
偶共杯酒六街聽倦鑿鑿鼓頤厭征衣塵垢殘雪後待驅馬
盧溝轉入孤山口蒼厓若白伴翠竹黃梅香林守歲清興爾
能否

又題王咸中石塢山房圖

最撩人東華塵土騎驢蹇還往酒徒幸有王郎在更喜鈍
翁無恙傾宿釀話黛色堯峰燈下吳音兩清詩迭唱畫十里
山容茅堂石塢隱隱露微帳南歸好髣髴高居仙掌栖貧
儘自蕭放解蘭焚茝非吾事只是海懷霞想春水漲趁三月
桃花也擬浮輕舫拖條竹杖約燒筍林香焙茶風細來問五
湖長

又同青士重訪看賢時書樓落成訂詞綜付雕刻有懷周士季清在吳興

小舟紆柁鄉裏重來花已三度主人一笑還開徑樹蕙滋
蘭無數留客住詞二仲依然未改當年侶別裁樂府譜漁笛
賓洲從今不按舊日草堂句東園好百尺高樓容與綠牕
多少雲霧騰舳飛爵須吾輩禮法由來無取相爾汝但只隔
簾兒令弟添離緒來朝喚渡認酒幔春橋茶檣夜柵便訪五
亭去

蘭陵王送宋負外牧仲視權輿州

禁街六嘶騎河橋一簇而今去嶺北天南忍對離樽便催促

雙旌行太速薄暝應投涿鹿吟鞭倚苑雪剛殘且喜輕塵未
吹麴登鱸九江曲算港截彭郎山問匡俗層層翠浪峰迴
複過十八灘水萬疊煙樹滿園蘭草無數竹照廳事都綠
川陸舊游熟奈上下龍雲無計追逐故人已分歸茅屋念翦
燭深夜後期難卜楓林落月定憶我夢斷續

浣溪沙 郊游聯句

出郭尋春春已闌宜興陳維松其年東風吹面不成寒無錫秦松齡寓
青村幾曲到西山無錫嚴繩孫發並馬未須愁路遠慈谿袁美雲
看花且莫放杯閒尋尊人生別易會常難長白成德客若

解連環 孫愷似使旌夜話用李十九韻

一燈涼雨話九都遠岫隔江葱楚曾未滿三月王程訝天角
使星錦轡求去箏笛賓筵聽按偏黃裙樂部問香杭酒釀七
夕醉眠莞弱何處郵籤定能記否但西東指點玉羊金虎
看捫攜藤笈陳編拂蠹字蟬魚載歸闌暑多少詞人邀鏡面
留題方絮待細論箕子流風漏聲報五

祝英臺近 送張見陽令江華

錦鞍羈潭柘寺小榼載浮蟻纔及春游詩罷各分袂者回聽
雨荷邊團茵柳外奈一曲驪歌催起幾千里試看裊裊雙
鳬銅章綰仙吏九面衡山二十四灘水定知後夜相思寒亭
暖谷吟不了晚紅餘翠

又 送葉道子之官臨清衛

繡纏髮珠勒馬金印且懸肘勝作書生燈燭對紅豆計程幾
日郵籤玉鞭花外早繁杏香飄吟袖訪舅友只在春草南
池無煩夢魂又小榼三升太白酒樓酒相邀露冕投壺東方

千騎總一色春旗楊柳

又 送翁武原之官黃州郡丞

嶽蓮雲關樹雨衣潤卸孤館記得班荆通潞短亭畔自來南
浦多愁西風易別把新鴈一繩吹斷再相見却喜小郡黃
州銅符許分館盡說官閒蝴蝶繞書幔最憐白露橫江青山
如畫須夜夜綠樽教滿

又 題丁雁水輶次詞集

史梅谿姜石帚澀體夢牕叟不事形摹秦七與黃九試論北
宋南唐偷聲比調誰得似玉昆金友章江口慣自家宴樽
前筆人記紅豆一束朋箋豈意入吾手只合闌藥香時筒荷
卷處次第付笛牀歌袖

燕山亭

屋七月十五夜同次友武曾融谷覃九集譔園竹

新雨橫街竹屋晚涼曲徑憐初掃深淺素瓷雪藕調冰添撲
半竿紅棗抹麗叢香問甚日吳船攜到秋早漾一片明河免
華圓了何用擲笛彈絲有骰子玲瓏玉舟催倒檐牙胃網
燈蕊梢蛾坐久露濃風小除却樽前數詞客幾人同調諧笑
渾不計過申犯卯

前題

平湖陸某次友

垂了簾衣宛在米家書畫船牕坐楸局未停玉子聲聲聽
得賣花車過樹杪涼生吹幾葉絮雲低墮燈火暈粉莉娟
筠翠梢香妥纔度天上秋期對月徑風筵又陳瓜果南
槽紅友內樣青瓷今宵錦茵拚澆嘶騎頻催便醉也欲留
無那歸可料寫入竹溪有我

前題

嘉興李良年武曾

燕月微黃纔到竹間淡著江南影箔卷半牕露點涼波書
屋短於煙艇底問青旗笑臘釀秋廚猶騰紅凝闌古色甌
香汝哥官定還記舊雨梅邊又一葉飄梧者番清景笑
根夢去蟹斷魚牀西風暗吹簑簪旅話今宵都忘了五湖
歸興更靜便挑盡燭花也肯

百字令

燕市逢李分虎

竹垞春雨悵早梅未放扁舟先發別後聞君浮皖口渺渺波
潮天末燕市經過相逢一笑逆旅征衫脫鄉園無恙忽忽燈
影中說正好青兕多才銅駝結伴按金盞新闌跋扈飛揚
須爲爾忘却星星華髮座有能詩高三十五勸飲杯中物酒
闌起舞舞滿身都是明月高通行三十
五拍翠園也

滿江紅

送陸雲士宰江陰

仙令行時正柿葉翻紅滿村易州酒菊英沉汎細注離樽恰
值蠲租新詔下先教鳬舄指南雲問橋東青竹馬騎來凡
幾羣君山翠堆縣門香灣白流樹根任垂簾清畫譜曲黃
昏十里秋花春桂粒一痕春水上河豚判明年小舫練江頭
吟對君

綺羅香

贈沈融谷納妾

十斛量珠千絲結網枉說傾城難致選得閒房略與柘西相
似書乍報翠羽枝邊人已玉梅檐底問攜來百福香奩銀
鈎多少衛娘字龍吟新曲傳偏想出鴛鴦浴處青銅無賦
此日雙頭只有粉蓮堪擬但點漆一鏡春山漫商量五湖秋
水也須勝半萼燈花夜寒偎繡被融谷水龍吟詠白蓮有侍浮萍
開處青銅無賦作鴛鴦浴之句

風入松

送沈平萬之新安

蕭疎煙柳玉河潭殘月猶含離人報道城東發赴新涼卯酒
初酣代馬頻嘶別路吳縣須換征衫歙州風物舊曾諳此
去停驂烏丸素紙留題好繞清溪紫筍黃柑心逐一繩飛雁
秋深直到江南

臺城路

夏日同對巖藤友西溪其年舟次見陽飲客
若潯水亭

一灣裂帛湖流遠少堤恰環門徑岸劃青秧橋連早英慣得
游鷗相並林淵錦鏡愛壓水虛亭翠螺遙映幾日溫風藕花
開偏驚鷺鷥頂不知何者是客醉眠無不可有底心性研粉
長牋翻香小曲比似江南風景看來也勝只少片天斜樹頭
帆影分我魚磯淺莎吟到暝

又

蓮后洗妝樓

層闌不厭波光冷明霞遠捎魚尾細草含茸圓荷倚蓋猶與
舞衫相似揉藍片水曾簇蝶前紅影蛾描翠錦石秋花當時
穩貼早羅髻春城幾番士女縱嬉游元夕沙界煙寺黃面
瞿曇白頭宮監也說千年遺事回心院子問殿脚香泥可留
蕭字懷古深情焚椒尋蠹紙

前題

長白

納蘭性德客若

六宮佳麗誰曾見層臺尚臨芳渚露脚斜飛虹腰欲斷荷
葉未收殘雨添妝何處試問取雕籠雪衣分付一鏡空濛
鴛鴦拂破白蘋去相傳內家結束有帕裝孤穩韡縫
古冷豔全消蒼苔玉匣翻出十省遺譜人間朝暮看醺粉
亭西幾堆塵土只有花鈴館風深夜語

又

送葉井叔主事還南鄉

新霜未染香山葉黃花已開秋圃側帽風前囊裏酒畔不分

故人先去忽忽里語忍別了吳儂竟歸樊楚一色魚天車湖
爭似鶴湖住 蒲萄滿江綠漲愛翻鴉落雪門對南浦訪舊
襄陽題襟漢上芳草知誰同賦相思最苦夢鴈影飛邊月明
多處楊柳青青武昌何限樹

又 張鑑遠酌春堂席上賦

重門不改當年徑依然小山橫疊盧橋濃陰黃梅疎影正好
酌春時節釣車乍歇仗酒伴仍逢昔游能說點筆淋漓爪牛
涎冷久磨滅 烏衣羣從少長況周郎陸弟裙屐齊列金叵
羅深玉屏風煖一曲紫雲歌徹樊川癡絕只可惜而今鬢絲
如雪暝色高城初筵無奈別

又 送明客南還

花南老屋花無數茅堂在花深處薑蔗閒勝竹梧小徑吾亦
板橋西住天涯倦旅忍負了芳辰又過殘暑底事秋風罷官
不去送人去 江鄉舊時伴侶有山中後鶴沙上鷗鷺黃雀
披縣玉鱸堆雪誰並船牕同耆離居最苦判茸帽衝霜也尋
歸路得及春游紫荷田醉舞

又 送張漢瞻還嘉定題所畫望雲圖

秋來已是驚蕭瑟驪歌又聽燕館墜葉飄花飛蓬斷梗長倚
浮萍爲伴雲搖雨散問底事忽便書驢券試驗新圖應愁
穿了望雲眼 百川灌河時節輕帆消幾日放溜江岸賣履
迎船牽罾喚渡一笑倚閭人健寒齋薄飯須勝似銅街酒毒
茶盃改歲相期洞庭游未晚

喜遷鶯 送丁雁水觀察度州

紅亭且住話十川天末舊游江路柳外吟藹酒邊征鐸行到

冶城瓜步一點峭帆風順遙指落霞南浦倚高閣埽千年殘
粉更題新句 津鼓又幾日三板輕船水驛無重數螺子山
南晴雷灘石飛作滿衣涼雨露冕行春多暇肯訪薜蘿人否
謂水 莫惆悵盼月華金掌載同鴉序

一枝花 送沈融谷宰來賓

露脚飄羅柱翠濕牽牛花吐一繩新鴈底幾行樹天末郵籤
數了還重數行徧衡湘路六漿衝煙烏蠻山在何處 瑤戶
兼龍戶多向竹棚頭住琴堂吟不盡荔支雨晝便垂簾待夜
月修簫譜瘴鄉休道苦須勝似泉明折腰彭澤晨暮

同作

嚴繩孫

綠鬢銅章吏藉甚東陽才子柘西傳樂府滿燕市合喚羅
裙驚管調銀字忽漫牽絲去亂水荒山迢迢六七千里
木棚濃陰底清簾疎簾聽事憑題翡翠硯白藤紙酒伴無
人蠻盤誰同醉記取雙江外第一是梅邊莫忘小驛花使

又

海陽彭孫適駁孫

小縣雷江口面而雞桐蛇柳微風香繡滿拂腰綬白象雙
趺也画城門否官閣簾垂畫黑蝶癡肥應憐八咏人瘦
莫怨分襟驟且盡離亭尊酒明霞拖淡墨鴈飛候料得天
南嘹唳聲希有多少連雲岫算兩地相思仙鳬甚日來又

又

安丘曹貞吉升六

絕遠賓江路亂水輕舟頻渡瀟湘行欲盡瘴雲苦千樹桄
榔月黑鵲啼處到日清秋好瑤戶鮫人滿城隅看笑舞
柳子傾甘露照影紅蕉初吐推琴小柱笏紛庭暮龍目香
中早暗送年華去吟情應不減問寫就蠻牋重寄昭王臺

否

又

秀水 朱昆田 文蔚

小雨沙頭店風埽濕雲齊欽殘星猶挂樹四三點已是離人怎得離愁減萬里關河險過亂石重灘尖峰新露如劍蠻女銅釵鍍比似西眉南臉山童爭喝馬翠旗威幾笏書齋定有新詞豔荔子輕紅添更柳白舊黃漫憶柘湖菱

笑

邁陂塘 送尤展成還吳

話當年法曹姓字雲屏御墨曾添遂初堂下柴車促老矣攜文三殿燒尾宴喜四載柯亭鎮日長相見緇塵偶倦暫摒擋書籤丁寧才子紅藥守吟院扁舟好輸與風流賀監紅亭十里交錢蛤蜊荻葉橫塘路華葉酒旗吹偏帆一點趁落木空江澹抹山平遠八門七堰喚記曲桃根炙笙菱角憐取舊題扇

又 詞學止焉峰樹石鼓文見贈賦此志謝用姜白石

問陳倉舊時獵碣蒙駝燕市誰輦漏痕已失填金字猶剩雨苔冰蘚松陰轉訂鎮日橋門靜鎖人未見劉郎放卷慣著手摩挲巡檐步履百過幾曾倦閒無事翠餅烏丸教碾硬黃繭紙摹編遺余猶法真奇古屈曲珊瑚枝軟與不淺覓巧匠裝池付與屏六扇紅絲小硯把馬鄭紛紛周秦先後商略異同辨

又 送陳雲銘入楚

數才名鷹揚河朔新來草檄能否浮蓬蹤跡何曾定只是北燕南楚王粲賦道四望山川信美非吾土晴川密樹問底事

隨人一帆夏口又指漢陽渡金臺畔漸少銅駝俊侶馬羅共按蕭譜尊鱸稻蟹鄉亭夢卜了歸期仍誤君此去料我亦無心更戀塵中組驪歌且住便解纜今朝登鱸後日不遠直沽路

清平樂

濕雲籠霧曉色看成暮空裏雪花風約住十月薊門飛雨層頭聞到殘年客懷轉覺淒然滿地已無黃葉一林惟有蒼煙

解珮令 送趙秋令 軀句

城頭畫鼓馬頭紅樹最無慘酒邊人去暮尊聽偏陽關也未抵者番別苦嘉善 軀句 為平一程風一程涼雨暮尊斷橋橫浦淺沙深塢翠彎環好山無數海草香慎行夏重卸了朝衫換獨速沙衣醉舞坤勝東華滿鞞塵土暮尊

生查子 曉行 鄧州

密樹引長堤重露微消墜惟聽浦禽喧漸入行人隊隱隱望高城路出高城外初日未侵衣先閃寒鴉背

清平樂 齊河客舍

阿儂憶矣際曉還慵起今日郵籤翻百二猶是未晴天氣茅檐土銼人家酸風苦雨天涯回憶故園梅蕊不知多少飛花

金縷曲

過外祖唐刺史齋園感舊作

歷歷猶能記小門開苔峰檻外板橋花底潮落蟬爬沙偏嫋嫋筠竿扶起自兵後曲池平矣倦柳衰荷都卷盡況驚鴛翠鬣紅魚尾渾不辨釣游地土酥隴麥看無際刺牆東午

風茶板冷雲蕭寺去是黃童來白叟感慨那禁對此但滿眼
西州清淚斷陌踟躕歸騎晚斂殘霞樓角孤城閉誰會我恁
時意

清平樂 鵲塘生日

平安書到卜宅鷗塘早我亦安排歸計了沮溺耦耕也好
今年初度長安明年定是鄉關漁弟樵兄對酒雞頭菱角堆
盤

又 贈歌者陳郎

偷聲減字且洗衰翁耳惱亂多情人欲死只有臨川曲子
陳郎巧轉歌喉尊前倍覺風流一霎塗妝綰髮三十四丫
頭

又 題吳中女子呂文安畫

深閨暇日偶仿王郎筆小字親題無氣力殺粉調鉛第一
圓珠斛得誰家香車遠隔天涯陌上依然柳色門前何處桃
花

金縷曲 題查蒲書屋圖

馬矐村南渡趁輕帆雙峰寺外遠煙平楚橫漲雨邊鵝鴨鬧
認得苔磯疏圃有點點遙岑遮戶只恨牆東書屋少慣迎賓
榻下莎廳住秋香滿小山樹年來穩向花輶步乍歸來雞
栖豚柵幾曾添補笑指頭銜水樣冷誰把草堂貲助看畫裏
皋禽翔舞曲院層臺終斷手算迴廊是我題詩處拚舊雨伴
今雨

滿江紅 錢唐觀潮追和曹侍郎韻

曹侍郎錢唐觀潮一閱最為崛奇今見雕本改竄可惜已康

熙丙子秋涉江追和其韻并附原詞于後不作三舍退避者
欲存其真也

羅刹江空設險有海門雙關日未午樟亭一望樹多於髮乍
見雲濤銀屋湧俄驚地軸轟雷發算陰陽呼吸本天然分吳
越 遺廟古餘霜雪殘碑在無年月訝揚波重水後先奇絕
齊向屬盧鋒下死英魂毅魄難消歇趁高秋白馬素車來同
弭節 枚乘七發詞 節伯子之山

原作

曹溶

浪湧蓬萊高飛撼宋家官闕誰盪激靈胥一怒惹冠衝髮
點點征帆都卸了海門急鼓聲初發似萬羣風馬驟銀鞍
爭超越 江妃笑堆成雪鮫人舞圓如月正危樓滿轉晚
來愁絕城上吳山遮不住亂濤穿到嚴灘歇是英雄未死
報離心秋時節

點絳脣 題虞夫人玉映樓詞集

玉映樓空鏡臺留得傷心句比肩人去誰忍修簫譜 門柳
風前依舊飄金縷廉纖雨返魂何處莫是秋千路

附原詞

海鹽虞兆淑 詞

梅綻方菲垂楊煙外低金縷韶華小住生怕廉纖雨 繡
戶淒涼蝴蝶雙飛去愁如許夢魂無據還在秋千路

曝書亭集卷第二十六